

蜀都碎事

清陳祥裔輯

第四冊

進步書局校印

蜀都碎事藝文補遺下卷

清 陳祥裔耦漁輯

蠶叢國詩四章

漢古 辭

川崖惟平。其稼多黍。旨酒嘉穀。可以養父。野惟阜丘。彼稷多有。嘉穀旨酒。可以養母。

其二

惟月孟春。獮祭彼崖。永言孝思。享祀孔嘉。彼稷既潔。彼儀惟澤。烝命良辰。祖考來格。

其三

日月明明。亦惟其名。誰能長生。不朽難獲。

其四

惟德實寶。富貴何常。我思古人。令問令望。

成都詩

蕭邁

月晚已聞花市合。江平偏見竹簾多。好教載取芳菲樹。剩照岷天瑟瑟波。

賦得蜀都詩

褚亮

列宿光輿并。分土跨梁岷。沉犀對江浦。駟馬入城闔。英圖多霸跡。歷選有呂臣。連騎

簪纓滿含章。詞賦新得上仙槎。路無待訪嚴遵。

成都府詩

杜甫

翳翳桑榆日。照我征衣裳。我行山川異。忽在天一方。但逢新人民。未卜見故鄉。大江東流去。遊子去日長。曾城填華屋。季冬樹木蒼。喧然名都會。吹簫聞笙簧。信美無與適。側身望川梁。烏雀夜各歸。中原杳茫茫。初日出不高。眾星尚爭光。自古有羈旅。我何苦哀傷。

錦城曲

溫庭筠

蜀山攢黛留晴雪。簾簾蔽茅紫九折。江風吹巧剪霞綃。花上千秋杜鵑血。杜鵑飛入巖下叢。夜叫思歸山月中。巴水漾情情不盡。文君織得春機紅。怨魄未歸芳草死。江頭學種相思子。樹成寄與望鄉人。白帝荒城五千里。

成都曲

張籍

錦水近西烟水綠。新雨山頭荔枝熟。萬里橋邊多酒家。遊人愛向誰家宿。

竹枝歌

瞿塘峽口水烟低。白帝城頭月向西。唱到竹枝聲咽處。寒猿啼鳥一時啼。

成都書事百韻詩并序

金躔輿壤。玉壘名區。風物尚饒。曠古稱最。僕守茲職任。五年載至。初則木牛流馬。馳入使以均財。次則阜益朱幡。奉一麾而作鎮。歷覽勝異。慷慨興懷。古人曰。非感發不可以言詩。非聲詩不可以導志。故言成志激。流為美談。偶因公退。輒作成都書事七言一百韻。止陳乎益都事跡。罔暇以外景加諸。庶幾謬發於斐然。詎敢芳揚於作者。詩曰。混茫丕變造。西阡物像熙熙被一川。易覺錦城銷白日。難歌蜀道上青天。雲數牧野耕桑雨。柳拂旗亭市井烟。院鎖玉溪留好景。坊題金馬促繁絃。風流鋪席堆紅豆。瀟灑門庭映碧鮮。表狀屢言同穎德。敕書頻獎並生蓮。旋科杞樹炊香稻。剩種疏窠沃晚田。仁宅不墮由政立。義園無取任情遷。民知禮遜蠶叢後。俗尚奢華遠古先。遠郭波濤來浩浩。歸朝岐路去綿綿。乍迴黑水將成道。潛到青羊恐遇仙。靚女各攻翻樣繡。袷商兼制呀綾牋。墟邊泛蟻張裙幄。江上鳴鼃簇綵船。百笋峻嶒衙對峙。琴臺恢澗寺相連。犀葩艷裏珍禽語。百草香中瑞獸眠。喜趣必臻尤佇望。勝遊爭倦更遷延。早荷葉底蹲鷗伏。梭樹梢頭亂蝶穿。鯢發牢盆渾棄國。鐵資圓法免鉅鉛。豐饒物態寧殊越。美麗姝姬酷類燕。西海號雄彰傳紀。南康辭健積銘鐫。良工手技高容

學妙隱丹方秘不傳。倚劍靈關凌絕頂。夢刀孤壘削危巔。金華巷陌遺三品。石鏡伽藍露一拳。信落荊州隨鼓枹。檢頒芝闕聽搖鞭。若量內地寒暄異。且在遐陬水陸全。渝舞舊云傳樂府。巴談誰曰繫言詮。九苞綰就佳人髻。三闋裝成子弟鞦。欲辨坤維尋地理。纔臨益部認郊廛。文翁室暗封苔蘚。葛亮祠荒享豆籩。貨出軍儲推賑濟。轉行交子頌輕便。氣蒸蒟蒻根鬚潤。日罩桤桤樹影圓。藥市風光燕鰲外。花潭遊樂鷓鴣前。聚源待擬求鳧氏。貯怨那能雪杜鵑。藁植森榮還蒼蔚。夾流湍迅迴潺湲。鮮明機杼知無算。細碎錐刀不啻千。合併鷗鬟齊窈窕。對陪霓袖競翩跹。五門冷映岷峨雪。千里爰疏灌壩泉。茂盛八絃宜得最。膏腴十道比俱偏。袁滋不到生無分。段相重來宿有緣。欵召相如登兔苑。驟遷太白步花鵝。歲蕤草木時為瑞。奇秀江山代產賢。曉後細風紅灼灼。夜中微雨碧芊芊。錦亭焰燭明欹障。香閣繡毬煖熨氈。寶塔徘徊停隼旟。觀街雜沓擁輜輶。醪醑引架家家郁。躑躅攀條處處妍。重愛魯儒提德柄。威降曹將董戎旃。權謠少負實人勇。長講多經楚客禪。似簇綺羅偏煥耀。如流車馬倍喧闐。稽機顯綽名堪錄。題柱芬芳事莫捐。李特鋒鋌徒恃險。張儀規畫自持顛。鷹揚器業成悠久。烏合奸雄敗轉旋。漫向鼎分澄霸道。却當龜化驗都廛。強貪楚滅悲傾

輟廣洽堯詢喜慕羶。側弁猖狂拋玉笋。歸鞍酩酊墜金鈿。氛埃屏息雲常覆。稼穡繁
滋澤靡愆。睿聖宵衣垂乃聽。貴臣馳日每傳宣。石牛邁路加歆饗。江漬隆區助潔蠲。
避暑亭臺珍簟設。縱開池沼釣絲牽。遊蠻帶礪長能固。捍蜀金湯遠益堅。何武甲科
曾繼踵。嚴真卜兆罕差肩。儲書競甲諸家集。博識咸修百氏牋。紙碓暮春臨岸泚。水
樽春注截河壩。華嚴像閣涼堪愛。淨眾松溪僻可憐。學射崔嵬橫睨靄。放生寬廣媚
漪漣。解庭嫩笋青蓼蓼。風檻新荷綠扇扇。守戎貌貅千萬騎。采葑簪筍兩三員。清
江瀉執方流巽。大面盤形正壓乾。雷掃谷風藏虎嘯。雷暝官樹灑龍涎。郛占遯應星
舒彩。樂嘆端聆火撲然。令範式驅民缺缺。咨謀疇倚道平平。性寒甘蔗猱偷齧。體膩
芭蕉蠹莫沿。誌讀備興重掩卷。史看唐幸懶終篇。雕盤蛇女呈酥作。水巷癡童颺紙
鳶。初下鹿頭迷郭杜。暫來犀浦誤伊瀍。變秦言語生皆會。戀土情懷死不悛。結厦斧
斤宗簡易。入神丹牘厲精專。柳堤夜月珠簾捲。花市春風繡幕褰。十縣版圖分戶籍。
一城牌肆係民編。受辛滋味饒薑蒜。劇饌盤食足鮪鱸。月季宵霜秋肯挫。荔枝衝瘴
夏宜然。幾番藪箐鳴虛籟。是個園林噪懶蟬。蠢動乘時先養育。菁英屆候別陶甄。地
丁葉嫩和嵐採。天蓼芽新入粉煎。平代啓聞聞繼發。監軍憑軾見劉焉。蕙蘭馥裏幽

蹊畔菱芡交鋪曲島邊。繪網晚晴誇蹴踘。畫繩寒食戲鞦韆。氤氲紫霧濛都邑。縹緲彤霞聚僊僊。蟠伏自然銷劒戟。樓翻幾度起戈鋌。官遊止嘆音塵闕。鄉飲何驚歲月遄。靈壽桃枝奇共結。金砂銀鑠貴相聯。埋輪昔按均輸命。叱馭今分太守權。徒為行春飛皂蓋。詎能許國報青錢。政經旋考尤多僻。民瘼深求尚未痊。雖愧袴襦非叔度。日期毫墨有馮沾。俛遵廉察思從訓。克謹操修敢好畋。南市醉過攢幟隊。西樓權坐列瓊筵。煩囂謹畏傷淳厚。惠黠周防近巧諛。重祿省心宜致寇。薄材莊貌若臨淵。扶危頗異巢居幕。勸善還同矢在弦。叨蒞一麾康遠俗。等閒光景又三年。

二月八日大慈寺前蠶市

宋田況

蜀雖云樂土。民勤過四方。寸壤不容隙。僅能充歲糧。間或容墮爓。曷能備凶癘。所以農桑具。市易時相望。野氓集廣鄆。眾賈趨寶坊。惇本誠急務。戒其靡愆常。茲會良足喜。後賢無忽忘。

寒食出城

前人

郭外融和景。濃於城市中。詩聲留客醉。花意盡春紅。游人一何樂。歸馭莫怱怱。
三月十四日大慈寺建乾元節道場

前人

赤精流景錄。朱夏向清和。紺宇修祠盛。華封祝慶多。簪裳千載遇。鐘梵五天訶。遠俗尤熙泰。皇猷信不頗。

成都

田澄

蜀郡將知遠。城南萬里橋。衣緣鄉泪濕。貌以客愁銷。地富魚為米。山芳桂是樵。旅遊惟得酒。今日過明朝。

竹枝歌

楊慎

夔州府城白帝西。家家樓閣層層梯。冬雪下來不到地。春水生時與樹齊。

其二

日照峯頭紫霧開。雪消江面綠波來。魚復浦邊曬網去。麝香山下打柴回。

其三

江頭秋色換春風。江上楓林青又紅。下水上風來往慣。一年長在馬船中。

其四

最高峯頂有人家。冬種蔓菁春采茶。長笑江頭來往客。冷風寒雨宿天涯。

其五

清江白石女郎神。門外往來祈賽頻。風颭青旗香雨歇。山薑花開瑤草春。

其六

紅粧女伴碧江濱。蓮草花簪茜草裙。西舍東隣同夜燭。吹笙打鼓賽朝雲。

其七

神女峯前江水深。襄王此地幾沉吟。曄花溫玉朝朝態。翠壁丹楓夜夜心。

其八

上峽舟郎風浪多。送郎行去為郎歌。白鹽紅錦多多載。危石高灘穩穩過。

其九

無義灘頭風浪收。黃雲開處見黃牛。白波一道青峯裏。聽盡猿聲是峽州。

其十
妹

竹枝詞

陳祥裔

峨眉山上月如環。誰信峨眉翠黛慳。小娘年年二三月。求郎拜上大峨山。

其二

竹架低檐草半堆。竹柴燒飯響如雷。竈邊揖罷隨人坐。笑道貧家只舊醅。

其三

熟梅天氣雨初過。小娘纏腰脫短簪。撲面山嵐泥沒膝。呼姑齊唱插秧歌。

其四

萬里橋頭楊柳枝。拂波不耐小風吹。靈和殿裏思張緒。都是依依一樣絲。

其五

巴西艇子下巴東。無數灘聲曉夢中。猿叫一江雲起處。瀟瀟細雨打船篷。

其六

楊柳衙前楊柳稠。衙前舊是十三樓。烟花三月爭春市。紅粉齊來拜石頭。

其七

芳樹烟籠謝豹啼。漢家陵寢草萋萋。永安遺恨憑誰說。贏得春耕雨一犁。

其八

沙甯人家住翠微。浣花溪漲水成圍。沿溪無數村居嬾。日日溪邊坐浣衣。

其九

細雨斜風春滿林。萬山啼作杜鵑音。可憐口口聲聲血。都是思歸一片心。

其十

溪聲不斷隔林聞。水碓無人春白雲。破無半間修竹裏。爨烟籠樹隱朝曛。

禮殿詩

李石

蜀侯作類錦水湄。先聖先師同此室。巍然夫子據此座。殿以周公名自昔。聖人兩兩如一家。均是周人先後出。東家想見終夜夢。猶與公孫同衾帟。斯文授受乃關天。不為漢唐加損益。我時來視俎豆事。重是漢人斤斧迹。漢宮制度九天上。散落人間此其一。多因豐屋起戍心。獨此數檐綿歲歷。規摹嵒嵒東魯似。氣象縹緲西岷敵。竹松猶是斯干詩。風雨方知隆棟吉。雖然漢獻來至今。閱時已多駒過隙。中間豈無烏鼠慮。妙斷不知難軌易。工師不揆亂如麻。敢向殿門言匠石。詩書譬彼尚闕文。後學如何補遺逸。祖龍非意竊登床。蚍蜉有心來壞壁。舊章僅在命如絲。誰勒吾詩勝丹漆。

古柏詩

左右生

思人誰復念婆娑。窟室崖陰未易磨。四十圍間看溜雨。三千年後數恒河。不堪與世供狙杓。尚許遺民占鳥窠。從此便名夫子樹。匡人斤斧奈予何。

成都子雲洗墨池詩

趙貞吉

墨鱗拔浪遊奇門。靈鳥下掃腸胃痕。幽蚪叶水沉古影。武擔山風珮珊冷。魂迷瘴再芙蓉濕。侯巴噴腔三斗汁。黃金蹴地吹作灰。商鬼蒿城泪花澀。

謁先主廟絕句三首

張佩

扶順繼皇業。並吞勢由己。天命出雄圖。誰歌大風起。得股肱賢明。能以奇用兵。何事傷容情。何人居帝京。雄名垂竹帛。荒陵壓阡陌。終古更何聞。悲風入松柏。

武侯廟

杜甫

遺廟丹青落。

一作古

空山草木長。猶聞辭後主。不復卧南陽。

奉陪安撫大卿登八陣臺覽觀忠武侯諸葛公遺像詩

張縯

白帝城西魚復浦。十月江平見津滸。當年累石粉成行。此地卧龍經講武。轅門外建巖中權。列陣相承存後伍。何人蛇勢識常山。未數魚麗矜鄭拒。懸知精神貫金石。尚想號令嚴鉦鼓。老兵料敵應疑生。川后澄波其敢侮。向令赤伏有餘簪。下睨皇州真指取。云何遺跡司神明。獨靳豐功口褰宇。高城置酒共登眺。往事興懷增嘆撫。巍然王佐三代前。信矣名言照千古。

同羣公秋登琴臺詩

高適

古跡使人感。琴堂空寂寥。靜然顧遺塵。千載如昨朝。臨眺自茲始。羣賢久相邀。德與形神高。孰知天地遙。四時何倏忽。六月鳴秋蜩。萬象歸白帝。平川橫赤霄。猶是對夏伏。幾時有涼飈。燕雀滿簷楹。鴻鵠搏扶搖。物性各自得。我心在漁樵。兀然還復醉。尚握樽中瓢。

琴臺

杜甫

茂陵多病後。尚愛卓文君。酒肆人間世。琴臺日暮雲。野花留寶靨。蔓草見羅裙。歸鳳求凰意。寥寥不復聞。

琴臺臨江仙詞

陳祥裔

野草西風山郭外。荒臺日暮煙深。小橋斜徑入山林。只今橋下水。猶是古琴心。斷雁一聲天地暝。愁來有泪沾巾。燒琴人作賞音人。賣文無計久。誰不惜千金。

草堂

杜甫

昔我去草堂。蠻夷塞成都。今我歸草堂。成都適無虞。請陳初亂時。反覆乃須臾。大將赴朝廷。羣小起異圖。中宵斬白馬。盟歃氣已麤。西取邛南兵。北斷劍閣隅。布衣十數人。亦擁專城居。其勢不兩大。始聞蕃漢殊。西卒却倒戈。賊臣互相誅。焉知肘腋禍。自

及臬鏡

世本作鏡

義士皆痛憤。紀綱亂相踰。一國實三公。萬人欲為魚。唱和作威福。孰

肯

一作能

辨無辜。眼前列杵械。背後吹笙竽。談笑行殺戮。濺血滿長衢。到今用鉞地。風

雨聞號呼。鬼妾與鬼馬。色悲充爾娛。國家法令在此。又足驚吁。賤子且奔走。三年望

東吳。孤矢暗江海。難為遊五湖。不忍竟舍此。復來雜榛蕪。入門四松在。步堞萬竹疎。

舊犬喜我歸。低徊入衣裾。

一作舍

喜我歸。沽酒携胡蘆。大官喜我來。遣騎問所須。

城郭喜我來。賓客隘村墟。天下尚未寧。健兒勝腐儒。

一作飄飄

風塵際。何地置老夫。

於時見疣贅。骨髓幸未枯。飲啄愧殘生。食薇不敢餘。

除草

自注云去蕪也按蕪音潛又除災切山韭也

前人

草有害於人。曾何生阻修。其毒甚蜂蠆。其多彌道周。清晨步前林。江色未散憂。芒刺在我眼。焉能待高秋。霜雪一霑凝。蕪葉亦難留。荷鋤先童稚。日入仍討求。轉置水中央。豈無雙釣舟。頑根易滋蔓。致使依舊丘。自茲藩籬曠。更覺松竹幽。芟夷不可闕。疾惡信如讐。

草堂即事

前人

荒村建子月。獨樹老夫家。雪裏江船渡。風前徑竹斜。寒魚依密藻。宿鷺起圓沙。濁酒

禁愁得無錢何處賒。

題草堂寺

黃君瑞

草堂禪寺北山隈。想見鳴騶入谷時。猿鶴如懷海鹽令。魚龍猶護紹興碑。排岩樹老秋來早。上殿僧稀曉散遲。我亦于今抗塵土。臨風慙讀孔璋移。

遊草堂

陳南賓

西出秦關道路長。岷峨東望鬱蒼蒼。蓬萊三賦舊無敵。同谷七歌今可傷。茅屋秋高風瑟瑟。布衾鐵冷雨床床。浣花溪上應回首。千載令人憶草堂。

草堂

內有杜工部石像

陳祥裔

萬里橋西舊草堂。愀然石像帶愁長。可憐憂國經綸意。都作驚人翰墨香。落拓襟期餘傲骨。飄零天地剩空囊。秋風壞壁夕陽裏。疏竹荒烟斷客腸。

草堂寺臨江仙詞

在浣花溪側有杜工部石像

陳祥裔

一曲浣花溪水碧。竹籬搖落晴曛。鐘聲敲斷遠山雲。西風吹客泪。哀雁弔詩魂。贏得傷心一片石。依然憂國憂民。野荒衰草鎖柴門。無家離別語。似為宦遊人。

初同陳玉泉代巡飲青羊宮詩

雷賀正

丹室崔嵬傍郭幽。塵襟喜向上清遊。青羊自古逢瑤肆。白鶴何年下寶丘。鐘鼓頻開千堞曉。松筠長鎖四時秋。仗君繡斧霜威霽。萬象春寒錦水流。

宣華苑宮詞

蜀王衍

輝輝赫赫浮玉雲。宣華池上月華春。月華如水浸宮殿。有酒不醉真癡人。

宮詞

花蕊夫人

五雲樓閣鳳城間。花草長新日月閑。三十六宮連內苑。太平天子住昆山。

其二

會真廣殿約宮牆。樓閣相扶倚太陽。淨梵玉堦橫水岸。御爐香氣撲龍床。

其三

龍池九曲遠相通。楊柳牽絲兩岸風。長似江南好風景。畫船來往碧波中。

其四

東內斜將紫氣通。龍池鳳苑夾城中。曉鐘聲斷嚴粧罷。院院紗窗海日紅。

其五

殿庭新立號重光。島上亭臺盡改張。但是一人行從處。黃金閣子鎖牙床。

其六

安排諸院接行廊。水檻周回十里強。青錦地衣紅線毯。盡鋪蘭麝鬱金香。

其七

久城門與內城通。朝罷巡遊到苑中。每日日高祇候處。滿堤紅豔立春風。

其八

厨船進食簇時新。侍宴無非列近臣。日午殿頭宣索鱠。隔花催喚打魚人。

其九

立春日進內園花。紅蕊輕輕嫩淺霞。晚到玉堦猶帶露。一時分賜與宮娃。

其十

三面宮城盡夾牆。苑中池水自茫茫。亦從獅子門前入。旋見亭臺繞岸傍。

其十一

離宮別院達宮城。金板輕敲合鳳笙。夜夜月明花樹底。傍池長有按詞聲。

其十二

御製新翻曲子成。六宮纔唱未知名。盡將威策來抄譜。先按君王玉笛聲。